

ACCESS for ELLs yog dab tsi?

**ACCESS for ELLs yog
ib qho kev paub ntawv
As Kiv zoo uas ntsuas
cov me nyuam kawm
ntawv qhov kev paub
ntawv As Kiv.**

Koj tus me nyuam raug txheeb xyuas pom tias yog ib tug ELL, txhais tau tias koj tus me nyuam yuav tau kawm ntawv As Kiv ntxiv rau lwm cov kev kawm. ELLs yuav tau ntsuas kev paub ntawv As Kiv zoo txhua lub xyoo.

Los ntawm qhov kev ntsuas no yuav pab ua rau cov xib fwb nkag siab tias theem txuj ci kev paub ntawv ntawm cov me nyuam kawm ntawv puas tau txog theem mus kawm tau hauv chav kawm. Koj tus me nyuam cov xib fwb yuav siv cov qhab nia ntsuas los ntawm qhov ACCESS for ELLs rau thaum lawv txiav txim txog kev paub ntawv ntawm koj tus me nyuam.

Cov qhab nia ntsuas no kuj pab ua rau cov xib fwb soj qab xyuas tau koj tus me nyuam qhov kev kawm ntawv As Kiv tau li cas lawm thiab pab ua rau cov tsev kawm ntawv txiav txim tau tias yuav muab kev pab qhia ntawv As Kiv ntxiv li cas. Koj muaj peev xwm siv cov ntaub ntawv ntsuas no coj los pab txhawb tswv yim rau koj tus me nyuam rau tim tsev kawm ntawv.



ELL

Ib tug neeg yuav tau kawm ntawv As Kiv, los sis ELL, yog ib tug me nyuam kawm ntawv uas muaj sij hawm tau txais kev kawm ntawv As Kiv ntxiv rau lwm cov kev kawm. Cov ELLs yuav tau ntsuas txhua xyoo txhawm rau pab cov xib fwb kom nkag siab txog lww tej txuj ci kev paub ntawv, tab sis koj muaj cai lees los sis tsis kam lees cia muab kev qhia ntawv pab ntxiv.

Kev Paub Ntawv Zoo

Theem kev paub ntawv zoo yog ib qho kev ntsuas seb cov me nyuam kawm ntawv muaj txuj ci kev paub ntawv zoo li cas lawm. Thaum cov me nyuam kawm ntawv paub ntawv txog theem kev paub ntawv zoo tshaj plaws lawm, ces tsis tas muab kev qhia ntawv rau lawv ntxiv lawm.

Kev Tshuaj Ntsuam Xyuas txog qhov ACCESS for ELLs

- ACCESS for ELLs muaj ntsuas raws hauv ntaub ntawv los sis ntsuas raws hauv koo pij tawj.
- Kev ntsuas cov me nyuam kawm ntawv me rau qhov ACCESS for ELLs siv cov dab neeg thiab tej hauj lwm uas yuav ua rau cov neeg kawm tau koom ua.
- Alternate ACCESS for ELLs yog ib qho kev ntsuas pab txhawb uas pawg kws qhia ntawv xaiv siv ntsuas rau cov me nyuam kawm ntawv uas muaj tej yam kev paub tsis taus (xiam oob qhab). Yuav tau muab kev pab txhawb ntxiv rau cov me nyuam kawm ntawv no thiaj li muaj sij hawm tau mus koom ua qhov kev ntsuas tau.



Tham nrog cov xib fwb txog qhov kev ntsuas ACCESS for ELLs qhov kev npaj ntsuas nyob rau tim koj tus me nyuam lub tsev kawm ntawv.

Koj tus me nyuam tsis tas kawm rau qhov kev ntsuas ACCESS for ELLs. Qhov kev ntsuas no yog ib lub sij hawm zoo rau cov me nyuam kawm ntawv tau nthuav qhia txog lawv txhua feem kevnkag siab thiab rab peev xwm kev sib txuas lus ua lus As Kiv.

Yuav tsum cia koj tus me nyuam pw kom txaus thiab noj plus tshais ua ntej nws yuav mus ua qhov kev ntsuas.

Tham nrog koj tus me nyuam cov xib fwb seb koj yuav tau txais cov qhab nia rau thaum twg, koj tus me nyuam lub tsev kawm ntawv yuav siv cov qhab nia no li cas, thiab yuav muab kev hloov pauv kev pab txhawb kev qhia ntawv As Kiv li cas rau koj tus me nyuam.

**Koj tuaj yeem
nug cov nqe
lus no tau**

- Thaum twg mam ua qhov kev ntsuas ACCESS for ELLs rau kuv tus me nyuam?
- Thaum twg kuv mam li tau txais kuv tus me nyuam cov qhab nia ntsuas ACCESS for ELLs?
- Yuav siv cov qhab nia ntsuas no li cas los pab kuv tus me nyuam kom kawm ntawv As Kiv tau zoo ntxiv?
- Koj txiav txim siab li cas thaum twg kuv tus me nyuam mam li tsum tsis tau kawm ntawv pab txhawb ntxiv lawm?